

城池

設險禦患莫重於城池是故城小而固偃陽因諸國之兵城惡而卑莒邑致泱旬之克則深溝高壘不可謂非急務也綏邑四山環拱一水西抱隱然有金湯之固焉然不可不歲加繕完以備不虞也

石城世傳諸葛武侯所築明時始拓之週圍約二里許土門三座正統間爲苗賊攻破後增高丈餘厚五尺成化庚寅都憲吳琛按屬令堯以石高一丈廣五百餘丈立串樓三間丙寅冬知縣麥春芳更

綏甯縣志

卷之十

城池

以方石 本通志

按舊志今城垣週圍二里三分上蓋串樓三百有三十間內係土築外用石砌上有腰牆中開堞口其城關三門鼓樓三座原北門一座因萬歷十七年間敗縣坐南向北二十年知縣劉邦傑建修於二十五年知縣秦任劉因面城閉塞風氣未暢復開設北門俱建樓宇迨後北門仍塞三門傾圮康熙五年知縣楊九鼎倡捐修築重建西南兩樓十三年吳逆兵變盡爲燬燼十九年我師恢復僅存圯址二十五年知縣

范成龍重修三門城樓及週圍雉堞以上本舊志現在城

垣週圍二百九十六丈康熙五十年署縣章讚因西

門城樓倒毀牆垣傾頽奉文捐修五十五年東門城

樓牆垣崩塌知縣王作楷又奉文捐修乾隆元年知

縣陳文言修造四圍城牆堦口十四年知縣程際泰

捐俸修葺三門城樓各題以額東曰東來紫氣南曰

高功毓秀西曰霜肅西圻

乾隆二十四年知縣陳于宜領帑興修城垣二十

五年報竣城垣一座東南西三門城身內外計長三

綏甯縣志

卷之十

城池

二

百三十六丈五尺高一丈五尺底寬八尺頂寬七尺

內外俱係方石頂鋪石板上加土六七寸城上磚堦

三尺五寸

咸豐十年髮逆破城南西二門城樓焚燬牆垣崩塌

同治三年知縣孫清彥修葺各題以額東曰東陽南

曰南康西曰西安後復多崩塌知縣方傳質補修如

舊